

ПИСАТЕЛЬ ДЕНЕ ВАШЛИЙМАШ

25 мартыште Морко рӱдӱ книгагудын пашаенже-влак поро, сылнымут шӱлышан «Марий улам — чонем

марий» вашлиймашым эртарышт.

«Морко памаш» клубын участникше да поэзийым аклыше-влаклан тудо мон-

далтдыме кумылым веле огыл пӱлеклен, тыгак марий тӱвыра да сылнымут нерген у шинчымаш дене пойдарен.

Касын тӱн унаже Куженер

районысо Кожласола ялын шочшыжо, тале марий писатель, поэт, драматург да публицист, Марий Эл Республикын сулло журналистше, ятыр чапле книган авторжо, марий мутын ямжым шижын, шочмо йылмынан яндарлыкшым арален возышо мастер Александр Алексеевич Петров лийын.

Тиде вашлиймаш усталык тӱняш чын путешествий семын лийын! Александр Алексеевич шке илышыже да усталык корныж дене палдарен. Колыштшо-влак произведенийже-влакын сюжетышт кузе шочмым, могай событий у тӱня ден персонаж-влакым бышташ кумыландымым пален на-

лыныт. Шке книгаже-влак дене палдарымыж годым писатель кажныж нерген радамлын каласкалыш, лекше йодышлан вашмутымат пуыш. Поснак кугу тӱткыш «Саликан пиалже» романжылан ойыралте. Уна-влак книган лекме историйже нерген шуко пален налыныт. Автор шкенжын почеламутшо-влакымат лудо.

Александр Алексеевич дене вашлиймаш тунемше-шамычлан, сылнымутым йӱратыше-влаклан кужу жап шарнымашеш коদেশ.

Людмила
АЛЕКСАНДРОВА,
Алена **ПЕТУХОВА,**
Морко книгагудо
пашаен-влак

